

Utriusque Ordinis
POLITICI & ECCLESIASTICI
VIRIS

*Generis claritate, Meritorum gravitate,
Famae celebritate conspicuis,*

DN. D. **SIM. WEISZIO**
COS. ÆR. VICE PRÆF. ET SCHOL.

DN. **C. A. GERET**
R. M. SENIORI

D. **M. P. IÆNICHIO**
RECTORI & ECCLESIASTÆ

D. **NATHAN. GOTTL.**
GNOSPPIO
SCAB. MAG.

D. **MICH. SCHROEGER**
V. C. SCAB.

& reliqua:

Dominis Mæcenatibus & Fautoribus suis

summopere suspiciendis observandisque,

ipsis **NOVI ANNI M. D. CCXXXII. auspiciis**

VETEREM DEI GRATIAM

pietatis & obsequii memor precatur,


INCLYTORUM NOMINUM

Cultor observantissimus obsequentissimusque

IOH. GEORG. LIPISCH Pannon. h. t. Gymn. Civ.

T H O R U N I I

Impreffit Ioh. Nicolai **NOBIL. SENAT. & GYMN.** Typographus.



*Quam miris variant vicibus, quæ terrea moles,
Quæve Polus generat, cuncta iubente Deo.
Stant subitoq; ruunt diversis casibus acta,
Lumina quæ passim cernere nostra queunt.
Instabili mortale genus fugit ocyus aura,
Moxq; lares nostros gens peregrina subit.
Multa suas & regna vices sensere repente,
Sedesq; eversas juraq; demta sibi.
Hæc opibus crescunt, istisq; potentia surgit,
Et libertatis non temeratus honos.
Et quem regali solio fortuna locavit,
Fatali huic adimit sceptræ superba die.
Ac triste hoc resonat. Veteres migrate coloni,
Et pateant domino tecta parata novo.
Carolus Hesperia sic gentis gloria celsæ
Hæres maternas iure reposcit opes.
Huic fert Parma Duci fasces, huic sceptræ ministrat,
Et celebrat plausus hospite læta novo.
Hoc nexu varium flectunt mortalia cursum,
Et gyro ancipiti volvitur orbis opus.
Sic optata dies Musis cum illuxerat orbe,
Secessit noctis tristior umbra procul.
Crevit in immensum Musarum gloria culmen,
Inq; dies doctæ multiplicantur opes.
Artibus ingenuis sensim fit cultior orbis,
Et vetus asperitas turpiter acta fugit.
Famaq; Doctorum sublimi vertice fertur,
Nubila queis mentis pellere cura fuit.
Iamq; Deus sapiens nobis quæ oracula pandit
Sancta, Viris pridem codice scripta sacris.
Multiplici sermone, patens quæ diditur orbis,
Certatim populis grata per ora sonant.
Lux Evangelii gelido sub tramite cæli
Emicat & tenebras discutit alma dies.*

Russia

Russia quæ profert ultra sua sceptræ Booten,
Doctrinæ Christi janua magna patet.
Sic celeri versat divina potentia cursu
Orbis terrarum quicquid & astra tenent.
Iamq; novo redeunt nobis phænomena more,
Auroræ Arctoi visa sub axe poli:
Insolita apparent & cælis edita signa,
Nulli visa diu, nec patefacta prius.
Sensim continuis agitatus motibus æther
Forter uet vasta mole premente gravis.
Et velut extremo properat sub fine laborum
Fessus, terribili proximus ex cidio:
Ipse tamen summus Cæli fabricator & orbis,
Qui fieri iussit quod fuit ante nihil:
Principium sine fine, brevi non clauditur ævo,
Et spatium certis limitibusq; caret.
Ordinat is sapiens venientes arbiter annos,
Partiturq; horas constituitq; dies.
Is veteri finem clemens superaddidit anno,
Præsentisq; dedit tempora grata novi.
Vos, MÆCENATES, vetus hujus gratia texit,
Irradiatq; nova limina Vestra face:
Præterito salvis tenuit Vos viribus ævo,
Et vitæ Vestræ præbuit usq; moras.
Ergo juvat flexo venerari poplite Numen,
Et pia sincero pectore thura dare.
Dumq; salutatū tenuis mea Musa, PATRONI,
Vos Anni auspiciis exbilarata venit,
Quod Vobis pietas poterit persolvere munus?
Candida quæve magis vota referre potest?
Si quid submissa fas est mihi mente precari,
GRATIÀ PRISCÆ DEI Vestra sit opto diu.
Novi ecquidem veterum non complacet omnibus usus,
Et squallent turpi tecta relicta situ.

Multâ

Multa probant sese multis novitatis odore,
Sed casa saepe amplas sordida condit opes.
Sicq; Dei veteri quid majus amore paterno?
Quem nullo spatio conficit atra dies.
Hic Vestris duret rebus vigeatq; PATRONI,
Hunc Vobis stabilem semper adesse volo.
Hic adsit, quoties Themidis penetralia sancta
Scanditis, & Patriæ damna levatis ope.
Hic adsit, quoties genti sacra dogmata Christi
Panditis & caras pascitis eius oves.
Hic adsit, quoties curis torquetur iniquis
Mens, jubeatque procul luctus ut omnis eat.
Hic anno veniente novo Vos robore firmet,
Arceat & Vestro limine triste malum.
Vos idem servet valida seraque senecta,
Viribus & donet pectora Vestra novis.
Atria constanti cumulet repleatq; salute,
Et tribuat pacis munera longa frui.
Vos fama decoret, Vobis concedat abunde,
Quicquid Vos omni parte beare queat.
Et hæc sunt tenui filo deducta, PATRONI,
Vota, quibus clemens annuat ipse Deus.
Mœnia sic Patriæ surgent, sic omine fausto
THORVNIO referent secula prisca decus:
Sic laudes Christi celebrabunt Tempia Scholæq;
Stabit & invictum nomen honosque Dei:
Et Vestris ingens succedet gloria testis,
Contingent claras commoda mille domos.
Interea memori cura servate Clientem,
Sitque novus prisco consociatus amor.
Dulcia tunc nostræ surgent solatia Musæ,
Concipietque novo gaudia more Clientis.

••(O)••